

# Jekabaara

Jamane Cikala sonna na iussemaa kunnafoni SEDD

Faamuya Yirwato



KUNGO-KONO-KUNNAFONI LASE-LAW KA SEMINERI KERA BAMAKO



## Dakunw

№ 2

Nebila

№ 4

Kunnafoni-lajc

№ 6

Koni bolokoli keccogo korolen

Falan dugu kunnafoni

№ 7

Zabantukoro sigicogo

Nton

№ 8

Sisanbana

№ 10 ani 11

Poyi : Marisi kalo tile 26, Mali  
jemutanga ka nangara donba

№ 12

Don bee nana si man ca

## Ka se duguw ma

# MCGO KO-DON BE, I KO-BEE-DON TE

## Nebila

A ! Ala ko tijé, i k'a dón Mali bë ka diya sa dëre ! Halibi wari soro ka gëlen. O ye tijé ye. Halibi fana baara-bë-n bolo bë


bëe ka ke jelénya la. An ko dö ka fara an ka kalosaraw kan, ko dö ka fara an ka kooriw n'an ka su manw sanda kan. Nin jinifén bëe y'an josiraw ye. Nka koli ka setigiya bëe josira bëe ta lagosi dë. Ni gëleya bëe jamana kono o



Baara de bë jemufanga lasinsin

senna. O fana ye tijé senkötigebali ye. Nka, hakilima de fana b'a dón ko fuga bë kulu sanfë dë. Mali kono yan an bëe b'a dón ko jamana kono gëleyaw t'a diya bali. Fen min bëe jamana kono diya bali, o de ye jamanadenw boli ye nögön ma ; ka dö fisaya ni dö ye ; ka soro bëe ke maa danmadönin halala ye, k'a soro maa fanba bë "buran-gen-fantanya" la. Malidenw bë fen kelen de jini u ka jëmaaw fe. Fen kelenpe ! O de ye kow bëe keli ye këne kan. Fen min bëe se ka ke k'o fo, fen min te se ka ke k'o n'a këbaliya kun fana fo k'o basakilici ! Ko

ka kan ka ye jamanaden kelen kelen bëe sawura la, faama ani fantan. N'o kera an bë dëjë n'an ka sɔɔtaw ye. Aa a fo Maliden nögön fasokanubaga bë dë ? Yali Mali kono yan de mcgòw ma deli ka dëjë u ka kalosara ko fasokanu kanma wa ? O kera. Nka, ko fen te jamana kono k'a soro maa danmadönin bë yëresagoke la jamana nafolo cëma, aa o de tun y'an Malidenw dusu tijé dë. O de dun bë na dabila. O de fana kanma n ko Mali bë ka diya sa dëre. Sufeko ni yuruguyurugu ani yëresagoke bëe tile bë na ban Mali kono. Julaw te na tɔjø fen wëre nɔfë u ka san patanti sara ta k'o ; nisongo saralaw te na jñununjunukan fo belen u ka nisongo sarali sen fe barisa u n'a dón u ka nisongo saralen bë na ladon ani ka labo da min fe. An bëe ka dugawu ke ko ninnu



An ka an ka sigidaw lakana n'a b'a fe u ka an nafa

## Ka se duguw ma

boli la u sira fε barisa o dɔrɔn de y'an ka jamana kisisira ye. Nka bibi in na fεn min ye tijε ye o de ye ko Mali peresidan jugu binnen, min ye Musa Tarawele ye, o n'a jεnɔgɔnw ka kiiri sen fɔlɔ tigeli daminena Bamako yan 1992 san kalo 6 n in tile 4. A bε ke kεne kan ani sariya kɔnɔ. Kiiritige sen fɔlɔ in bε ke maa bonenew de tɔgɔ la, minnu, ninw tijεna walima k'uk ka hadamadenya loyura dɔ tijε u josiraw nɔfε Musa ka san 23 fanga jugu kɔnɔ. Nin kiiritige sen fɔlɔ in senfε, da te na maga nafolodun nasira si la, barisa o fana bε na k'a danma kiiritigesen ye. Aa i k'a dɔn jemufanga ye san sɔrɔ Mali kɔnɔ yan sa dεrε !

i n'a fɔ an y'a fɔ aw ye jekabaara ka 1992 san kalo 5 n boko kɔnɔ cogo min na (n° 12), Malidew ka peresidan kura sigili waati kan, a kafisa nin yɔrɔ in na an k'a d'aw tulo kān ko Mali sariyasoba nεmaay'a latige kalo 5 n o tile 23 don ko Alifa Umar Konare sεemenciyara Mali peresidanya la. Ode kanma, Alifa bε sigi a ka peresidanya wolo



Mali peresidan Alifa Umar Konare

kan kalo 6 n in tile 8, tile 15 sεemenciyali in keli kɔfε. An k'a bilasira ni dugawu ye Ala k'a bolo numan bo a la san 5 walima san 10 jinan kɔfε !

K'a damine kalo 6 n in tile 1 la

fo ka se a tile 12 ma, dijε jamaaw bεsε peresidanw n'u ka setigiblon nεmaaw bε nɔgɔn sɔrɔ Berezili jamana faaba kɔnɔ, 'no ye "Iriyo de Janero" ye. O nɔgɔnyeba o senfε u bε na kumā dijε lanagafεnba kan min taalen bε ka bεsε bolō dan bi. O lanagafεnba o ye sisibaw de ye minnu bε bɔ an k'a bolifεnwi, ni dabalidaw an'an ka baarakεmasin moterima wεre la. O sisiw de kεlen bε danmatεmεnko ye bi, k'a fara kungojenibaw nijiritigεbaw, kan minnu b'an ka dugukolo n'a kan fεn bεsε sawura tijεna sanga o sanga, waati o wàati, tile o tile.



Amadu Tumani n'a jεnɔgɔnw kera kan tigi ye

Tumanai Yalam Sidibe  
Ko Banumanke


# Ka se duguw ma

## Kunnafoni-laje

Dɔ-farakan-kalan minbe wele ko "Semineri", o dɔ kera kungo-kɔnɔ-kunnafoni lasela dɔw ni baarada wɛrew mɔgɔw ni njɔgo ce. Semineri in labenna kunnafonisoba setigiso fɛ, ka nesin kungo-kɔnɔ-kunnafoni-sébenko ma. Mɔgɔ wɛrew fana tun b'a kene kan.

"Semineri" in daminenara abardon kalo 5n tile 13 ni kunnafoniko setigi ka jemukan ye, ka t'a bila sibiridon, kalo tile 16, 1992 san. A kékunba dɔ tun ye ka hakilinan falen-falen ke mɔgɔw ni njɔgo ce. Barisa mɔgɔ kelen ko-dɔn be, i ko bɛe-dɔn te !

Baarada minnu ni kunnafonisében minnu tun be "Semineri" in kene kan olu file nin ye : "DIPERESIKOMI" (faso kungo-kɔnɔ-kunnafonisébenw dilanyɔrɔ : Kibaru, Kabaaru,





Kunnafoniko setigi Sada Jara (cérémonie ja) ye "Semineri" dayɛlɛn

Xibaare "Kiibaare" ; Jekabaara ; DNAFLA (faso baliukalan baarada), Arajo-Mali...

Semineri in kɔnɔ, kunnafonisében dɔnbagaba caman ye kuma nafama caman fɔ kungo-kɔnɔ-kunnafonisébenko kan. O kumaw be tali ke kibaru nini tuma na, fɔ ka taa se a bilali la sébenw kan, k'a ke kunnafonisében ye. "Semineri" in tun be

kunnafonininaw ka baaraw kɛcogo kan duguw kɔnɔ, fɔ kaa bila u baaraké minenw la. Laje in tun nesinnen be fototallow fana ka baara nafa ma kunnafonisébenw kɔnɔ, ani u ka baaraw kɛcogo.

An da te se ka se a kuma nafamaw bɛe ma. Nka an be Umaru Mayiga, n'o ye kunnafonisoba setigi ka ladilikɛla dɔ ye, ka kuma kumbaba dɔw lase aw ma. Ale ka kumaw tun be "Jaabi dafabali kan min sɔrɔla kungo-kɔnɔ-kunnafonisében kalanni kan". O kumaw kɔnɔ, Umaru Mayiga y'a jira ko n'an ye kungo-kɔnɔ-kunnafonisébenw laje, k'an b'a kɔlosi k'u bɛe kɛcogo ye kelen ye. A y'a fɔ fana, ko ni kunnafonisében ninnu be dilan, k'u dilanbagaw ka kan k'u hakili to kungo-kɔnɔ-mɔgɔw haminan-kowla, ani u sigiyɔrɔkow la fana. K'u ka kan k'u hakili to sében



Semineri mɔgɔ dɔw

## "Ofisi" Kunnafoni

kalanbagaw ka kalan hake la. Ko n'o ma ke, ko kunnafonisəben səbəntigiw bə fən k'u ka kunnafonisəben kōo min te sənekelaw, baganmaralaw ani mənnikəlaw haminankow ye. Umaru Mayiga y'a jira k'an ballima kungo-kōo-məgəw b'a fə kunnafonisəben ninnu ka kuma lənpokow kan, k'u saracogow jəfə u ye. Barisa faamuya laki-

Kalandenw n'u bɔyɔrɔw	
Basiriki Ture .....	Kibaru kunnafonisəben
Ba Adama Dukura.....	Kabaaru kunnafonisəben
Mahumudu Amadu Aba Sise .....	Kabaaru Kunnafonisəben
Kaba Makan Jawura .....	Kibaare(kibaare)kunnafonisəben
Bari.....	Kabaaru kunnafonisəben
Tumani Yalam Sidibe Ko Banumanke .....	Jekabaara Kunnafonisəben.
Saka Dunbiya.....	Jekabaara Kunnafonisəben
Mamadu Nama Jara.....	Arajo - Mali
Buja Kōte .....	Arajo - Mali
Kane .....	DNFLA



Dugubakōonməgəw n'i kunnafoni min ka kan...

ka ma sɔrɔ u fə o kan halibi. K'u b'a fə fana ka warimara kecogo jəfə u ye, ani ka səneke kecogo kuraw fana jəfə u ye. Ko n'o kera, k'o bə fisaya u ma kosebə.

Semineri in kuncera sibiridən kalo 5n tile 16 ni kunnafoniko setigi Sada Jara ka foli ni tanuni ye ka jəsin lajelaw ma.

Kunnafonisəben minnu tun səbənbagaw tun bə kene in kan.



... kungokōonməgəw n'o kunnafoniw fana ka kan.

Kōowarika məgə kelen ani Maliden sariyatigi kalanden kelen fana tun bə kalan in kene kan. Kalansen in kolabenbagaw tun ye Mali kunnafoniso setigida ni Kanada jamana ka yiriwa dəmentən ye min bə wele ko "CRDI".

An dalen b'a la ko tile-naanikalan in na an ka kunnafonisəbenw səbənbagaw n'u kalanbagaw bəe nafa k'a da kunnafoni ladiriw kan.

Siyaka Dunbiya  
Jamana baarada məgə də

# Duguw Kunnafoñi

## Koni bolokoli kecogo kɔrɔlen

Koni ye dugu ye, min bε Fana mara kɔnɔ. A ni Fana cε ye kilometere bi saba ye. Koni ye sokala fila ye : Sokala ani Koni banan. U ka bolokoli laadaw tε kelen ye.

### N bε kuma sokala ta kan :

Ni bilakorow kɔgora, ni dugutigi b'a fε bolokoli ka kε, a bε a dankan wele o ka dolo cogoya laje. Ni dolo jε ka di fο a bε manamana, o bε n'a fο a ye ko dolo ka di. A bε segin k'a ci a ka taa dugumadolo fana cogo kɔlɔsi. Dugumadoloyemunye ? O ye seneñenw ko ye.

Ni seneñenw ka ni, a bε n'a fο a ye ko dugumadolo fana ka di. Dugutigi bε a ka gatigiw wele k'a fο u ye ko bolokoli bε se ka kε jinan ni ben kera o kan. Bilakorow bε bin ka takuruw tige. Takuru ye mun ye ? Jirisun jalenw tigelen don k'o ke metere

kelen-kelen ye, minw bε ke baroke tasuma na. Bilakorow fana bε jɔgɔndan ke a la. Dow ta b'a ta 120 fο 130. Janaw bε se ka 200 yere tige k'o doni ka na bila dugu da la.

Ni seneñenw ladonna, dugutigi bε gatigiw wele ka bolokoli don dɔgɔda. U mana bεn don min kan, o bε taa fο numuke ni sεmεn ye. Numuke ye bolokolikεla ye ; sεmεn bε bolokodenw mara.

Su o su kɔmaw fana bε bο k'u ka laadá ke, ka takuruw jεnsen, ka dɔw fili dingε ni tu kɔnɔ, wala bilakorow ka d'a la ko koma ye siranfεn ye. Ni don tɔtora tile kelen ye, balema dunanw bε na wulada fε u balemaw ka so. O wulada kelen, bilakorow bε takuru tilan gatigiw ni jɔgɔn cε. Ni su kora, bilakorow bε laje sεmεn ka so.

Ni surɔfana dunna, baro bε

sigi bolokodentigi bε ka du da la, ka tasuma don takuruw la. Jεnajew bε fɔ, u bε si ka dunu fɔ. Donokasida mana se, bilakoro bε kelen-kelen kɔrɔke bε n'a dɔgɔnin bεn ka taa so. U bε taa u ko ni ji sumalen ni furaw ye, ka sɔrɔ ka u laje dugutigi ka bulon kɔnɔ.

Tile kun mana bɔ, u bε taga bolokoli jε kɔnɔ. O ye bolokoliyɔrɔ ko ye. O b'a sɔrɔ numuke labennen bε yen. Bilakorow bε na kelen-kelen, numuke bε u boloko.

Ni min bolokora, o bε t'a sigi. N'u bεs bolokora finiw bε don u la ka n'u jira dugutiw la, ka sɔrɔ ka taa u bila sεmεn ka so. Tile fila bε ke jεnajε la. O sabanan sogomada, dunanw bε bilasira. Bolokodenw bεs bε mara sεmεn ka so fο u ka kεnεya.

**Bugu Kulubali  
balikukalan kuntigi Misango,  
Maraka Kungo cikε mara kɔnɔ.**

## Falan dugu kunnafoñi

An ka jεmɔgɔ fen o fen bε kεnε kanyan bi, an ka foli bε aw bεs ye. Anw Falankaw nisɔndiyalen bε Mali kalanko minisiri n'a ka jama bisimila an fε yan bi. O temenni kɔ, an bε na kunnafoñi danmadɔw di aw ma Falan dugu kan. Falan ye dugu ye min bε Welesebugu ni kɔrɔn cε, ni kilometere 30 ye. Sεne sira fε, a bε Welesebugu cikεkafo fε. Fanga sira fε, a bε Sanankɔrɔba kubeda fε. An ni

Sanankɔrɔba cε ye kilometere 45 ye. An ni Bamako cε ye kilometere 75 ye.

Operasiyon Otiwale ye Falan ke "A.V." ye 1985 san. San 5 o kɔfε, pariti ni guferinama ye Falan ke tɔn ye, n'o ye desan-

burukalo tile 5 ye 1990 san . Yanni ka Falan ke "A.V." ye, balikukalan tun tε yan, jε-ka-baara tun tε yan.

Falan dugumɔgɔ haki ye mɔgɔ 1015 ye

Tɔn ka baara kεlen

Lakɔ liso	Dogo toroso	Maga-san	Jiri-foro	Kɔlɔnw			Barasi	Misi So-gɔ yɔrɔ
6	1	3	0,50	Itali 2	"Koru de la pε" 12	Keri Mali 1	6	1

# Duguw Kunnafoni

Ton ka senekeminew  
dabafin hake : 62  
dabanana hake : 58  
dannimasin hake : 43  
wotoro hake : 46  
wunin hake : 2  
koori-furake-masin hake : 35  
binfaga masin hake 7  
cikemisi hake : 211

## San fila temennen soro koori la Falan yan :

1990-91 san, Falan ye koori tari 145,5 sen. An ye toni 164,678 soro.

1991-92 san, Falan ye koori tari 150 sen. O soro benna toni 171,220 ma.

## San fila temennen in kono Falan ni demen jekulu jera ka

baara minnu ke :

Salon an ye lakoliso saba jo ani muso jiginso kelen.

Jinan an be ka magasan kelen ani dogotoroso kelen jo. Dugu ni demen jekulu ka baara ninnu na, dugu be tilan sara.

An tun b'a fe ka nin dane danmadow de fo a ye dugu kunnafoni kan. Anw ka folib'aw ye. Aw ni ce a ka tulomajo la.

## Zabantukoro sigi cogo

Zabantukoro be sirakorola kubeda fe. A sigilen be ko ni tintin ce. Ko b'a ni koron ce. Tintin b'a ni bayanfan ce. A ni tilebin ce, jalajuba do be yen. O y'an ka jinesonyoro ye.

A ni koron ce, nzabantuba be yen. O fana ye jinesonyoro do ye. Moriba kulibali a tun be fo a ma ko : Masa ani Moriba, o bora Segu ka taa Moyiyan sigi. Moyiyan be jiwoyo ni Buwaje ce. Olu be Kolokani kafo fe. Sungo Kulibali, o bora Moyiyan ka na Dogoni tu tige k'i sigi yen. O be Sirakorola kubeda fe.

Sungo Kulibali salen. O kofe Siratigi Kulibali bora Dogoni, ka na Doribugu, o be Sirakorola kubeda fe. O kofe Koze Kulibali ani Siraba Kulibali bora Doribugu ka na Zabantukoro sigi. A ni dugu minnu be danbo olu file :

- koronfe : Jejeni
- tilebinfe : Kokeni
- Bafe : Koroka
- kejekafe : Janikoro

## Kelemasa minnu tun be yan :

- Sungo Kulibali
- Siratigi Kulibali
- Dinanke Kulibali

## Senekemasa minnu tun be yan

- Siraba Kulibali
- Sanisiyenni Kulibali

## Dugu laadalakow

- Komokow
- Dokow
- NTomokow
- Maribayasa
- Jangon
- Donsow ka ntoson
- Halibi olu bee be ke.

Siratigi Kulibali, . Animateri Zabantukoro

Sirakorola zafu la, Otiwale mara kono

## Nton

Ala ye duniya da  
Ala ye Adamadenw da,  
Ala ye baganw da.  
Ala ye sow da,  
Ala ye fen misenw caman da.  
Ni fen o fen ye nin ye, u bee n'u nafa don ;  
U bee n'u masiba don ;  
Ee ! N'balimaw n ko ne siran na.  
Nton te miiri  
Nton te gaasi don  
N ton te tamaki don  
N ton te faantan don  
N ton te faama don

Ni ntton ye suman o suman soro,  
A be a naasi.

Ni nton ye jiriw soro  
A be u bulu bee dun.  
Ni ntton temenna  
Fan o fan fe, o ye jaadi ye, bawo  
ntton de be ke sababu ye  
ka kongo naati o fanw la.  
N balimaw an te joggon demen  
nttonko in na  
Nin te kun bo, nin te kun bo,  
Ni olu bee kafora  
joggonna, o be kunba kelen bo de !  
Bee ka i ka dongo jira  
Bee ka i ka sekou jira

Nin tonko in na  
A ye bo an ka nttonw kunben.

A ye bo an ka kongo kunben.  
A ye berew ta ;  
A ye nttonw faga, aw ye tasuma ta,  
Aw ka nttonw majeni.  
A ye dingue sen nttonw ne.  
A ye posoni ke tonw kan.  
Ala de ye masa ye.  
Ala de be kisi ke.  
Ala de be saya ke.  
N tigi Ala an demen nttonko in na !

Fabu Dunbuya maaya segesegeba  
don ke bo Karan, Kaaba sekili  
kono

## Ka se duguw ma

### Sisanbana


Sisanbana bē fogonfogonbanaw serekulu la. Mōgō bē se ka dimi wēre sōrō fogonfogon ka sira fē, i n'a fō ninakili gēleya ni səgəsəgə, min tē sisanbana ye. Taamaseere min bē sisan na ka caya o ye mura ni sōcōsōcō demenni ye ninakili gēleya fē. Nka, o fana bē se ka mōgō sōrō min tē sisan ye. Ola sa, a kafisa ni mōgō min sigalen b'a yēre la, o tigi ka bana in dōnbaga sēbe dō sēgēre k'a yēre dantige o ye. O de kōfē tīnē tigitigi bē sabati.

I n'a fō dōgōtōrōw y'a fō cōgo min na, mōgō miliyon wolonwula de bē faatu san o san, dijs kōnō, k'a sababu kē fogonfogonbanaw ye. Nka, o n'a ta bēe, hakili wuliko tē bana ninnu ye barisa u bē furakē !

Nin yōrō in na, an ka kuma bē tali kē ūisanbana de kan, ka bēn dōgōtōrōw ka fōlenw ma u ka jemukanw senfē ani u ka jaabiw senfē mōgōw ka nininkaliw la.

#### Sisan ye bana jumen ye ?

Sisan ye bana ye min bē hadāden minē cogoya caman na. Awa a bē se ka mōgō suguya bēe fana sōrō, k'a ta denjēnnin kalo duuru la, fō mōgōkōrōba san bi seegin ni kō. Bana don min bē gēleya don ninakili la. A sōcōsōcō senfē fana, banabaatō bē kaaribaw tu falaka bē sōrō minnu na. A kaca a la fana, mura b'a senkōrō. Nka, i



*Sisan ye ninakilibbana ye, min bē lanogoya ni janto-yēre-la ye*

n'a fō an y'a fō sanfē cogo min na, nin taamaseere ninnu bē sōrō mōgō la min tē sisantō ye. Sisan suguyaw la, min ka jugu kosebē o ye nōwuli ye, nka hali o, a bē furakē. Timinandiyako don dē !

#### Sisanbana suguyaw

Sisanbana sugya ka ca. Nka an da bē se a rō lakodōnnennw ma yan.

1 - O ye ninakili degun bē na waati ni waati. A ka c'a la a tē ko

tīnē a tigilamōgōw ye.

2 - O ye a gēlemanba ye, an bē min wele ko "nōwuli". Ale bē ninakili degun kosebē k'a tigi bila gōrōndōbabaw la.

3 - O ye mōgōw ye miñnu ninakili degunen don dōcōn waati bēe, n'a bē juguya tuma ni tuma.

4 - Baara walima farikolonenaje walima fangala-ko wēre, hali taama jan yēre, ka sisan lawilitaw.

5 - Sisan dō bē yen min bē

## Ka se duguw ma




*Sisan be se ka mogɔ suguya bɛɛ minɛ...*

wuli muso fe a ka kɔnomaya waati la.

Nin sisan folen ninnu n'u nogonna tigilamogow tun be hakili falenkene in kan, minnu caman y'a jira k'olu ta b'u la kabini san tan, san mugan fo san bi saba ni ko. O b'a jira ko sisan kasara ka bon "n makote-n yεrlaw" de la ka caya ni "n jan-be-n yεrlaw" ye !

### Sisan furakcogo

Sisan ye bana ye min be se ka furake dögötörö dakun na ani farafin furakela dakun na. Kene in kan dögötörö ni farafin furakelaw bɛɛ tun be nogon fe. O ye mogɔ hakili sigikun bo. Nka, sanni an k'an da don furakcogo ninnu na, an be bilasirali gelen ke fölo. Dögötörö de kan don. Obilasirali gelen ye nin de ye : sisantɔ ka sisan nawulifɛn be yen. Kasaw (kasa duman walima kasa goman) be dɔw ta lawuli ; gan-



*... denmisɛn ni maakɔroba*

gan be dɔw ta lawuli ; dumunifɛn dɔw be dɔw ta lawuli, hali sidilan cogoya dɔw be dɔw ta lawuli ; fangalakow be dɔw fana ta lawuli. Nin fɛn o fɛn folen file nin ye, mogɔ wɛrew b'u ke, u te fosi k'ilà, nka n'e sisantɔ y'a dɔw ke, u b'i ka sisan nawuli. Sisan fura fölo y'a lawulifɛn jateminɛni ye banabaato yεre bolo. N'a y'a ta dɔn, a b'i yεre tanga o ma.

I be mogɔ caman fana ye minnu b'a fo ko ne ye fura suguya bɛɛ ta n ka sisan na a m'a

ban. Ob'ajira dɔron de komogow fari cogoya te kelen ye. O kanma, fura dɔ be dɔ ta keneya k'a sɔrɔ a be dɔ ta juguya. O de kanma "fura-ta-nkunfɛ" bennet te sisambana na. In'a foabennet te bana suguya si yεre la cogo min ! Aw k'a jateminɛ, kene in kan, dögötörö dɔ y'a jira ko sikaraitimin ma ni sisantɔ ma. Nka o kene kelen o kan mogɔdɔ y'a jira ko sikariti yεre be dɔw ta nogoya !

Tjɛ don o tigi kumana ka temen "barisa sikariti ma ni, hali ni sisan yεre te". Nka kuma in b'a jira koni ko fura tali i kun fe barisa a y'e nogoya don karisa ta la", o ma ni ! Sisan be furake dögötörö kunda, a be furake farafin kunda fana. Min jinin don o de y'i selli y'a dɔnbaga ñanaw ma. Farafin fura siratɛgɛ la a jirala ko dɔw b'a basi ni nsirabulu mugu bölen ni fɛn dɔw nagamini ye nogon na. Fɛn dɔw

## Ka se duguw ma

jumen ? Dögötöro m'o fo ! A jirala fana k'a bë se ka basi ni nburenke den mugu bolen labencogo dö ye. A jirala yere fana k'a bë se ka basi ni jege dö ye min bë wele ko wondon. Banabaato körö dö yere y'a jira ko di bë se k'a basi. San fila nögon kön, sögoma o sögoma i bë kön ka dijöönin dun sann'i ka därraka dun. Nin fura ninnufökun t'aw ye walasa aw k'u minne tijë legesë ye. Ne ni aw bës ye kunfinw ye. U kofökun de ye aw ye walasa aw k'u nögnini furadonna tigitigiw da fe k'u tijë n'u nkalonw bë nögonna. O de nafa ka ca an bës ma. Fen min y'a dögötörfuraw ye, u siya ka ca i n'a fo sisan yere siya ka ca cogo min na. Min koni ye hakilisigifén ye, o de ye ko sisan bë furake ! Sisan ye bana ye min bë mögo hakili wuli. N'a b'ilä ite fura si minebali to. Nka o k'a soro a donbagaw y'i ladi de !

Dögötöro yere ka fo la, sisan ye bana juguba ye cogo min na, bana nögonba fana don o cogo la. Munna ?

- Sisan ye bana juguba ye barisa n'a wulila a tigi fe, a b'a bila san ni duguce. A b'a degun k'a jigailige n'a ka dijenatige ye. I n'a fo bana to bës, ni sisan ma furake a bë se kak'a tigi sata ye.

- Sisan ye bana nögon ye barisa a bë se ka furake k'a ban walima k'a lanögoya f'a tigilamögö b'a ka dijenatige ke



I n'a fo bana to bës, furakebaga yecogo bë sisanbanato hakili sigi

n'a ye ka soro a ma kasara lase a ma.

An ka mögökorobaw b'a fo ko sisan ye sitigibana ye. O ye tijë ye barisa mögo ba yirika de bë san bi saba ni san bi duuru ke n'a ye dijë kön. Nk'o dulonnen don "janto-n yere la" la de !

**Yali "poronkan" fana ye sisang suguya dö ye wa ?**

Aw bë poronkan dën wa ? Fen don min bë bala ka mögo ninakili degunk'i to sunögöla. O senfe i b'i fa ni i ba wele an'i jigailamögö bës. Olu dun si t'i kan men. A bë ke i n'a fo mögo de poronnen b'ikank'ininakili minne. Dögötöro ka fo la, o poronkan te sisan ye, bana yere te, ayiwa jineko te ; subagako yere te fana. A sababu bë n'en yelemacogo dö de la sunögöbaato da kön min b'a ke ka ninakilisira geren waatinin kön. A ha c'a la, degun te yere min ha mëen senna !

### Ladilikan

**I n'a fo bana to bës, sisang ye bana ye min bë furake.** A man kan an ka fura ta an künfe ten, a kera dögötörfura ye wo, a kera farafinfura ye. An ka se n'a y'a donbaga jönjönw ma. An bë min fana to an hakili la, o de ye ko fura dö bë se ka dö ka bana kénéya k'a soro a bë dö ta jüguya. Mögo bës n'a ka fura don. O de kanma an ka kan k'a wajibiya an yere kan k'an-ka fura tata bës soro an ka dögötöro walima an ka furakela jönjön fe. N'i y'a men ko dijë ka di, i yere de b'a kön, no te a te hali gansan bë yörö döw mögöw bolo de ! An dun kunna ka di barisa sisang te SIDA ye, fura ma soro min na fölö. An t'an yere furake !

**Kolosili :** Sisan fura dumani bë farafin kunda ani dögötöro kunda. O ye hakillatigeko ye. Nka bana layaalabaga dörön de fana

## Ka se duguw ma

b'a sababu jenjor soro de. Bana bee fura folo dun fana b'a tigi de jogo la. K'an ben boke were.

An b'a ladonniya k'aw be na kunnafoni soro sirabanaw (sikarati ni siramugu) kan, k'a da 1992 san kalo 5n tile 31 hakilinan kan, o min latigerak'a ke sira konni don kerenkennen ye dije kono. An ka

dugawu ke Ala k'an nafa don fota la. K'an be kalo 7n boke la (79nan).

Jekabaara togolamogo hakili-falenkene in kan Tumani Yalam Sidibe ko Banumanke

## Poyi kene

### Marisi Kalo tile 26, Mali jemufaga ka nangara donba !

Nangara, cebakoro foli !

Nangara, dankelen foli, sarafo-don foli !

Nangara, nemogo keje ke laajaba foli alakale !

An ka nangara te fo cebakoro jito ye

Janko ni ye ce ye bee te se k'i fili ka an ka nangara kene na !

An ka nangara te fo yeredonbali ye !

Marisikalo tile 26, san 1991, don kelen binbali !

Don kelen min kuntaala janyara ni don bee ye !

Don kelen min janyara ni san kalo 12 ye !

Marisikalo tile 26, Mali nangara donba !

Marisikalo tile 26,

Ee, jahadi don !

Nangata don !

Miri banbali don !

Yooliyooli don !

Negji-suuru don !

Marisikalo tile 26,

Aa, dibi don !

Denbaw-jigi tige don !

Saya ceman n'a musoman don !

Sifin saya, sije saya, saya ce jugu !

Marisikalo tile 26,

Nemogo jugu yere-sago-ke ka mugu jugu fili don !

Kadugu bolonw bayelema, ka ke lahara bolonba ye !

Ka joliken ke dogotorow tegeko ji ye !

Ka dayoro ban !

Ka hadamaden su logokene-ton-nogon kan !

Furumusow kera filiyatow ye !

Musotigiw ceganayara !

Wolodenw kera falato jigintanw ye !

Aa, Mari-masa !

Ee, dalli-masa !

E de be su ni tile fara ka bo nogonna !

E de b'i to san do la, ka do were konko don !

E de b'i to dije na, ka kiyama konko don !

Kana ninne an ka suw ko !

Ka na ninne Mali jemufanga sinsin suw ko !

Hine faso kunmabo furew la kiyama !

Hine u la, olu minnu y'a don ko dije ka di,

Ka jen dije n'a diya ko, k'u ni fili, faso danbe koson !

An kana ninne an ka furew ko !

An kana ke fitiriwale y'an ka bee-je-suw ma !

A ye foli fo an ka suw kun kiyama !

A ye nangara foli fo an ka jemufanga suw kun, u k'u keremu !

A ye cefarin foli fo marisikalo suw kun, u n'o ka kan !

Marisikalo tile 26, jen-ni-ko don !

Marisikalo tile 26, Mali foroba muruti don !

Marisikalo tile 26, danbe segi don !

Nin don in, nin donba kerenkennen in na,

Mali forobafanga kurunbokarila !

Alahu k'a ke here y'an ka jamana kono !

Karamogo Nolo Buware  
Bamako



Nin don in, nsongsannin tun nisondiyalen be kosebe. Tilelafana dunnen kofe, a y'a kanu k'a be taa a sennayaala. K'o be fisaya a ma ni tilefesunogo ye ! O don kabanogo tun kelen be ka tile ne dogon. Waati tun kafisa kosebe, bawo neema tun be fan bee. O yere de ye do fara nsongsannin ka nisondiya kan f'a taamatou be file fiye a senfe ! A tora taama na ka na bala kabakofenba do la a ne. Metere danmadou sira kerefe, jiriba do tun be yen. Ne fila ; da kelen ; tulofila b'ojiriba ojula. Nsonsannin ja tigera o yoro la fo k'a norolen to a nona ! Waati min na n'a y'a yere sor, a ko : "Ala ka ni de ! Jiri fana be se ka kuma " ! O kuma bo nsongsannin da yoro min, jiri in y'a bolo do fara a ku fo k'a kirin. Kirin bolen a kunna, jiriba y'i kanto a ma ko : "I ye kuma fobali fo. N tun ka kan k'i faga de. Nka n b'i to yen nin kelen in na. Nka e kofe, ni kuma in nognon bora ninma fen o fenda, n'to to fosi kanma. E ka taa" !

Nsonsannin wulila ka taa so. A selen ye, a ma fosi fo a somogow ye sanko a teriw. A n'a konko sira ten. Dugu jelen, nsongsannin taara senin nufe. A y'a nini o fe k'u ka taa

## Don-bee-nana si man ca

u sennayaala. Senin ko k'o benna a sen ma. Ko yoro-kelen-sigili tun kelen be k'ale yere segen. U bolen, nsongsannin y'i jija fo ka na ni senin ye jiriba fanfe. U selen yen, senin ne da jiri kabakoma in kan doren, a y'i kanto ko : "Ee ! kabako dresi ! Jiri min be se ka kuma !" O kuma bo senin da ani jiri k'a kun ci, o si ma korya ni si ye. Nsonsannin ye se su ta, a n'a ka denbaya ka t'oke surufana ye. O kofe, a ye waraninkala negen o cogoya kelen na. Jiriba y'o fana faga. Nsonsannin y'ofanata. An'aka denbaya taar'o dun.

Don do la sogoma, nsongsannin y'a ka fini bee la numan don. A y'a yere laben in n'a fo masake do, ka bo k'i kunda nkelenjin ka so kan. A selen yen, a y'oka da konkoni. O ko : jon don ? A ko : ne nsongsannin don. Nkelenjin ko : "Ee n koro don ke ! Kon a ka di ? Nsonsannin k'a ma ko : "N dogo, baasi te. N nana bo i ye doren de" Nkelenjin y'a jaabi ko : "Ee n koro, a duntunkera fama ye dere !" Nsonsannin y'a jaabi ko : "N dogo baasi te, ne tun jorolen be ni e yere de ye. Kon baasi te ?"...

U tilalen foli la, nsongsannin y'i kanto nkelenjin ma ko "N dogo, ne tun b'a fe an ka taa an sennayaala doonin walasa an be se k'an hakilinanw jira nognon na san gelyaw kan. Nkelenjin y'a jaabi ko : "N koro, o ka kan. I nali diyara n ye kosebe bawo ne yere kononafililenba de don san in kow kecogow la". O kofe, nkelenjin y'i laben. Ubora. Nsonsannin y'nesin a ka yoro koro ma. Minkera senin ni waraninkala na, nkelenjin y'o ye. Nka nsongsannin t'o don ! U ye sira

jan taama, u be baro la doren, fu nana se kabako jiri ma. Nsonsannin y'a senna sumaya. Nkelenjinna temen jiriba jukoro. A ma fosi fo. Nsonsannin y'i senateliya ka na kun a la. A y'a sama a kamankun ma k'i kanto a ma ko :

"Ee, n dogo nkelen, e ma kabakofen ye wa ?" Nkelenjin y'a jaabi ko : "N koro o dun fana ye kabakofen jumen ye tugun sa ?"

- Awa an ka segin an ko, i k'i new dayelen kosebe. O ye nsongsannin kan ye nkelenjin ma.

U nana temen jiri jukoro tuguni, nkelenjin ma fosi fo. Nsonsannin ye nkelenjin nininka ko kura ko : "I ma fen ye halisa ?" Nkelenjin y'a jaabi ko : "N koro ne ma fen ye halisa de. Utuma na e ye do ye wa ?" Nsonsannin y'i kanto a ma ko :

"Aa, neko be sor e la dere. E ne te jiriba in na wa ?"

- N koro, n ne b'a la ke. Jiri te wa ? O ye nkelenjin kan ye.

- A to fo ke ! Jiri mun ma ? O ye nsongsannin kan ye.

- Ee n koro, o ye nkelenjin kan ye, kana jigi n na barisa anw nkelenjin ka neko te ten. A b'i ko jiri in be se ka... ka... ka mun yere ke ? A to focogo te n kono !

Nsonsannin diminen girinna ka nkelenjin talon k'o fili kerefe, k'i kanto a ma ko : "E fana nalonne don kojugu. K'a fo doren ko jiri in be se ka kuma, o ye ko gelon jumen fana ye sa ?"

Nsonsannin tilara o kuma na yoro min doren, jiri bolo kunbabado y'a da a kun k'a fana faga. A fana kera nkelenjin n'a ka denbaya ka dunfen ye o don !

Bakari Sangare  
Ntomikorobugu - Bamako